

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10) na prijedlog Ministarstva zdravstva, Vlada Zeničko-dobojskog kantona, na 154. sjednici, održanoj dana 19.05.2022. godine, d o n o s i

ZAKLJUČAK

I.

Prima se na znanje Informacija Ministarstva zdravstva Zeničko-dobojskog kantona broj: 11-14-2005-11/17 od 06.05.2022. godine, koja je sastavni dio ovog zaključka.

II.

Zaključak stupa na snagu danom donošenja.

Broj: 02-_____/22
Datum, 19.05.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo zdravstva,
1x Zavod zdravstvenog osiguranja Zeničko-dobojskog kantona
putem Ministarstva,
1x JU Zavod za medicinu rada i sportsku medicinu
Zeničko-dobojskog kantona, putem Ministarstva,
1x a/a

INFORMACIJA

Cilj Informacije je upoznati Vladu Zeničko-dobojskog kantona sa presudom Kantonalnog suda u Zenici broj: 43 0 Ps 143210 22 Pž od 04.04.2022. godine, u pravnoj stvari tužitelja Željezara „Zenica“ D.O.O. Zenica „u stečaju“, protiv prvotuženog Zeničko-dobojskog kantona, kojeg zastupa Kantonalno pravobranilaštvo Zenica i drugotuženog Zavoda zdravstvenog osiguranja Zeničko-dobojskog kantona, radi utvrđivanja ništavosti ugovora, brisanja upisa i naknade štete V.S. 13.620.000,00 KM i vraćanja primljenog V.S. 6.899.267,90 KM.

Navedenu presudu Kantonalno pravobranilaštvo Zenica dostavilo je Ministarstvu zdravstva dopisom broj: P-2/21 od 28.04.2022. godine, a ovo Ministarstvo je istu dostavilo JU Zavod za medicinu rada i sportsku medicinu Zeničko-dobojskog kantona dopisom od 06.05.2022. godine.

Zaključkom Vlade Kantona broj: 02-11-6307/22 od 14.04.2022. godine, primljena je na znanje Informacija Ministarstva zdravstva Zeničko-dobojskog kantona broj: 11-14-2005-8/17 od 07.04.2022. godine, kojom je Ministarstvo zdravstva upoznalo Vladu Kantona sa prvostepenom presudom Općinskog suda u Zenici broj: 43 0 Ps 143210 20 Ps 2 od 15.12.2021. godine.

Presudom Kantonalnog suda u Zenici:

- djelimično je uvažena žalba drugotuženog Zavoda zdravstvenog osiguranja Zeničko-dobojskog kantona tako da je prvostepena presuda ukinuta i predmet upućen prvostepenom sudu na ponovno odlučivanje po stavu VII izreke prvostepene presude (koji se odnosi na isplatu duga u iznosu od 6.207.435,00 KM, sa zateznim kamatama počev od 31.12.1997. godine do 27.02.2017. godine) i stavu IX izreke prvostepene presude (koji se odnosi na troškove postupka), a u preostalom dijelu žalba drugotuženog je odbijena kao neosnovana i potvrđena prvostepena presuda (stav I, II, III i VIII izreke prvostepene presude),
- žalba tužitelja Željezara „Zenica“ D.O.O. Zenica „u stečaju“, odbijena je kao neosnovana i prvostepena presuda potvrđena (stav II, III, IV, V i VI izreke prvostepene presude),
- žalba prvotuženog Zeničko-dobojskog kantona, odbijena je kao neosnovana i prvostepena presuda potvrđena (stav I, II, III i IX izreke prvostepene presude).

Važno je istaći da će navedena presuda proizvesti pravne posljedice na JU Zavod za medicinu rada i sportsku medicinu Zeničko-dobojskog kantona i JU Kantonalna bolnica Zenica, koji koriste objekte koji su predmet ove presude, za obavljanje zdravstvene djelatnosti.

Imajući u vidu činjenicu da je označena presuda Kantonalnog suda u Zenici pravosnažna u odnosu na tužitelja i prvotuženog, a protekom roka za dobrovoljno izvršenje i izvršna, ministar Ministarstva zdravstva predlaže Vladi Kantona da organizuje sastanka sa tužiteljem Željezara „Zenica“ D.O.O. Zenica „u stečaju“ i Kantonalnim poreznim uredom Zenica, koji je svojim rješenjem od 24.08.2004. godine utvrdio obavezu tužitelja po osnovu neuplaćenih doprinosa, kako bi se eventualno pokušale iznaći druge pravne mogućnosti za rješavanje konkretne pravne situacije, u cilju zaštite imovine Kantona.

Ministar zdravstva predlaže Vladi Kantona da usvoji predloženi zaključak, kojim se prima na znanje ova Informacija.

Broj: 11-14-2005-11/17
Zenica, 06.05.2022. godine

MINISTAR
dr Adnan Jupić

Prilog:

1x presuda Kantonalnog suda u Zenici broj: 43 0 Ps 143210 22 Pž od 04.04.2022. godine,
1x Zaključak Vlade Kantona broj: 02-11-6307/22 od 14.04.2022. godine